

神農本草經

百種錄

吳江徐靈胎解

序

百物與人殊體而人藉以養生却病者何也
盖天地点物耳惟其形體至大則不能無生其
生人也得其純其生動物也得其雜其生植
物也得其偏顧人之所謂純者其初生之理
然耳及其感風寒暑濕之耶喜怒憂思之
擾而純者滋漓漓則氣傷氣傷則形敗而物
之雜者偏者反能以其所得之性補之救之聖
人知其然也思救人必先知物盖氣不能違理

形不能違氣視色別味察聲辨臭權輕重
度長短審形之事也測時令詳嗜好分盛衰
別上宜求氣之術也形氣得而性以得性者物
所生之理也由是而立本草製湯劑以之治
人有餘瀉之不立補之寒者熱之熱者寒之
溫者清之清者溫之從者反治逆者正治成
以類從成以畏忌各矯其弊以復折平其始
則異其終則同夫天地生之聖人保之造化
之能聖人半之天地不能專也漢末張仲景

金匱要略及傷寒論中諸方大半皆三代川前遺法其用藥之義與本經吻合無間審病施方應驗如響自唐以後藥性不明方多自撰如千金方外臺秘要之屬執藥治病氣性雖不相背而變化已鮮沿及宋元藥品日增性未研極師心自用謬誤相仍即用本經諸種其精微妙義多所遺漏是以方不成方藥非其藥間有效驗上偶中而非可取必良由本經之不講故也余竊悲焉欲詳為闡述其如且

目所及無多古今名實互異地上殊產氣味不
同且近世醫人所用之藥無識別而收採
者更有殊舛異性義在隱微一時難以推測
若必盡解全經不免昧心誣聖是以但擇耳
目所習見不疑而理有可測者共得百種為
之探本溯原發其所以然之義使古聖立方
治病之心灼然可見而其他則闕焉後之君子
成可因之而悟其全雖荒陋可嗤而敬慎以
矜也乾隆元年歲在柔兆執徐余月上劬拙

陵徐大椿題於揚子江舟次

神農本草經百種錄凡例

一錄此百種原以辨明藥性闡發義蘊使讀者深識其所
以然因此悟彼方藥不致悞用非備品以便查閱也覽
者勿以不載常用之藥為疑

一諸藥有獨具之性者則用詳解其兼長可互見者俱不
重出推類自明

一此解亦間有與前人相同者但彼祇釋其所當然而未
推測其所以然知所當然則用古之方能不失古人之
意知所以然則方可自製而亦能合古人製方之意也

八何
故此解皆著其所以然之故而淺近易曉者則略焉

一 所解諸藥乃就市中所所有審形辨味以合經義至古今
土產各殊或有尚非正義與尚有遺義者則俟知者正
之

一 諸藥有所出地名雜以後漢時郡縣陶隱居疑為仲景
元化等所記是本經所載已不皆神農以來所產之地
矣今之所產又大半非漢時所產之地欲盡考其實固
無從也故不復列而解之

一 本經所載一名甚多因無可解故亦不列

一品第及字樣俱依明重刻宋大觀刊唐慎微本所載白
字本經考陶隱居本草有朱書墨書之別朱書爲神農
本經墨書爲名醫別錄開寶間重定印本於本經易朱
書爲白字大觀本遵之雖未必無傳訛而取其近古猶
勝於近刻也

一詳解止此百種餘亦頗有略爲解者以資人者淺一槩
不存

吳江徐靈胎先生著

慎疾芻言

半松書屋珍藏

序

嘗讀小倉山房文集有徐靈胎先生傳知先生名大椿字
靈胎吳江人隱於洄溪晚號洄溪老人凡星經水利音律

武藝靡不通貫尤精醫術及讀先生所注難經醫學源流

論恨未能盡讀先生著作今夏五月福建學政彭詠莪母

舅知字習醫三載矣因由閩中寄慎疾芻言一卷囑付重

刊原本多魯魚之誤遂加校讐而梓之按是書係先生六
十餘歲所作閱歷既深言皆老當觀引首數言更見先生
之心有大不得已於言者故不自覺其言之太過而惟恐

不痛切不暢悉不能令人惕目驚心以致民命不長異端
不熄斯道不傳在先生不得不盡言以開其悟而凡病者
醫者皆不可不慎也

道光戊申仲夏長洲謝嘉孚蓉初氏序

引

余弱冠時家多疾病先世所藏醫書頗多因隨時翻閱不
過欲稍識方藥而已循習漸久乃上追靈素根源下沿漢
唐支派如是者十餘年乃注難經又十餘年而注本草又
十餘年而作醫學源流論又五年而著傷寒類方五十年
中批閱之書約千餘卷泛覽之書約萬餘卷每過幾時必
悔從前疎漏蓋學以年進也乃世之醫者全廢古書隨心
自造以致人多枉死目擊心傷數年前曾作芻言一冊欲
以醒世而鮮克聽從竊思生長

聖朝毫無益於此世而半生攻苦雖有著述幾種皆統談醫學無驚心動魄之語足令人豁然開悟因復捫心挖骨卽芻言原本更加痛快部悉實因悲憫填胸不能自己願覽者諒其苦心虛懷體察以之治人則敬慎可以寡過以之治己則明哲可以保身冀遇信從之有人庶綿斯道於一綫

乾隆丁亥秋七月巧日涸溪徐靈胎識

慎疾筭言

補劑

學問之道必由淺入深從未有淺近不知而專求怪僻者
况醫法一談必至傷生害命尤不可不慎也夫所謂淺近
者如傷風則防風荆芥感寒則蘇葉葱頭咳嗽則蘇子杏
仁傷食則山楂神麩傷暑則香薷廣藿瘧疾則柴胡湯加
減痢疾則黃芩湯加減婦人則四物湯加減小兒則異功
散加減此皆歷聖相傳之定法千古不能易也至於危險
疑難之症則非此等藥所能愈必博考羣方深明經絡實

神農本草經百種錄目次

上品

丹砂

雲母

石鍾乳

礬石

朴消

滑石

禹餘糧

紫石英

五石脂

扁青

菖蒲

菊花

人參

甘草

乾地黄

木

菟絲子

牛膝

訛胡

麥門冬

車前子

木香

薏苡仁

澤瀉

遠志

龍膽

細辛

石斛

薯蕷

黃連

黃耆

肉蓯蓉